

211.181
3



გ მ ი რ ი

ანა ქალის ლექსი

სრული შაირწყობილი
იეთიმ დაბლიშვილისა
(ექვსი სურათით)

ანამ სთქვა: მეტი სახელი
გაჯი მაზედა მქვიანო:
მტერს რომ მეხივით უხედები
მისთვის დას მეძახიანო.



ანაბაჯის ლექსი

ანა ქალის შაირს ვიტყვი, ყური იყოს გდებულია,
მის გამირობა ვის არ ახსოვს, ყველგან გაგონებულია;
თუმც ძიწაში განისვენებს სულით განათლებულია.
თბილისიდან სამხრეთითა სოფელ მუხად დებულია.
სოფელ კოდას რო იტყვიან მის გვერდ მოშენებულია,
ანა იყო თბილისელი, მუხათს გათხოვებულია,
მისი მსგავსი გმირი ქალი ჯერ არ დაბადებულია;
თათრები ბაჯის უძახდნენ მისგან შეშინებულია.

ყაჩაღებსა თავს ზარს სცემდა გული ფოლად გებულია.
ავაზაკნი და მძარცველნი ჰყავდა დამონებულია;
მუხათისა გარეშემო რაც სოფლები დებულია,
ანაბაჯის წყალობითა იყვნენ გამარჯვებულია.

ლარიბ-ლატაკს ფარად ედგა, მათთვის გადადებულია.
ყველა მის მზეს ლოცულობდა პირზედ მიკერებულია,
მის მშვენიება მსურს შევამკო და გამირობა ქებულია:

ტან-მაღალი, შავ თვალ-წარბა, შუბლი მარონ ცხებულია,
სახე გაბადრული მთვარის, ნიკაპს ხალი რგებულია.
სიგრძე თმისა კოჭებამდის მეტად დამშვენებულია,
გული, მკერდი და მკლავები როსტომს მიგვანებულია,
ჩვეულებრივ მარცხნივ გვერდზედ ხანჯალ დაკიდებულია,
ცხენზედ მჯდომი ვის უნახავს მისებრ გაჭენებულია.

მოთამაშე, მოჯირითე, ხმალი მოღერებულია,
ჭიდაობა, მუშტის გარტყმა, მისგან მოგონებულია.
ერთი გარტყმით კამეჩს აქცევს, რა გინდ გაგიყებულია,
მთლად ვერაფერ ადგებოდა მისგან დახეთქებულია,
ზარის ხმაზედ იმღერიდა, ტკბილად დაძახებულია.

მაგრამ სიკვდილს ვერ დასძლია, ახლა დავიწყებულია,
ბაჯიაშვილების გვარი დღეს ხომ გამრავლებულია...

უკვდავია მის სახელი, თვითონ დამიწებულია.
ანაბაჯის ამბავს მოვთვლი მსმენელნი ვალდებულია.

ახლა დავიწყობ მის ამბავს, ყურის გდება იყოს თქვენში,
თუ რა სახელი დასტოვა ანამ თავის სიცოცხლეში.
ორი წლისა გათხოვილი იყო მეთვრამეტე წელში,

სტუმრად იყო მიწვეული მოკეთესთან სოფელ წყნეთში,
 ისიც გითხრათ, რა დრო იყო, სწორეთ მარიობის თვეში,
 წყნეთის ქალ-რძალნი წავიდნენ ანაც წაიყვანეს ტყეში,
 შვინდსა კრეფდნენ, ხმაურობდნენ, მასხარობდნენ ერთმანეთში,
 ამ დროს ზაქარ მონადირის თოფმა დაიჭეჭა ხეში.
 თურმე დათვსა დაახალა და მოარტყა უკან ფეხში.
 ქალებსა ფერი ეცვალათ, როგორც მკვდარი სამარეში.
 მტრის შემოსევა ეგონათ, როგორც წინეთ იყო ჩვენში,
 სუყველა ერთად შექუჩდნენ იმ დიდ დაბურულ ფოთლებში.
 სულგანაბულნი ერთმანეთსა შესცქეროდნენ სახეში,
 ამდროს დაჭრილი დათუნა მათ მიაწყდა საფარეში.
 თავსაშველათ რო გარბოდა დასამალათ „საირმეში“,
 კაი ხარის ტოლა იყო, დეერია თან ქალებში.
 წივილ-კვივილი გააბეს, ეცნენ აქა-იქ ქალებში.
 დახე ჩვენსა ანაბაჯის, ვენაცვალე იმ მკლავებში!
 „ნუ გეშინიანთ, ქალებო, არვინ შერცხვეთ თქვენსა ქმრებში“.

ერთი მაგრათ შეუკივლა და გასწორდა გმირად წელში,
 გადახტა და დათუნასა მუშტი მიაკერა გვერდში;
 რა რომ დათვმა შაუტია, ანა დასწვდა წინა ფეხში,



როგორც ბურთი, ისე დასცა, სუ მთლად შეარყია ძვლებში;
 შვინდისა ტოტი მოსტეხა, დაუშინა თავში, წელში,
 აგერ ზაქარაც გამოჩნდა, ის განთქმული მთელ სოფელში,

ეროვნული
ბიბლიოთეკა

„დაჰკარ ქალო, ყოჩაღ ქალო!“ მორბოდა თან თოფით ხელში.
ანამ ხანჯალი წაგლიჯა და დათვსა შეურქო ყელში.
დაჰკრა, გაუს-გამოუსო, მარტო თავი შერჩა ხელში.
დათვი მოჰკლა ანა-ქალმა, ხმა გავარდა მთელ სოფელში;
ეს სახელი შეიძინა მან პირველათ თვრამეტ წელში.

კოდასთან ახლო, მინდვრისთავს კვირაცხოველი ჰქვიანო,
დღესაც ეტყობა ნიშნები, ნანგრევებიცა ჰყრიანო;
აღდგომის სწორსა მლოცაენი დღეობად მოიყრიანო,
ყოველ წელს ხალხი მრავალი ხატის კარს ილხენიანო.
იქ იყო მისი დღეობა, ხალხნი სამხეთოსა ჰკვლიანო,
ურმების ძირში მიმსხდარან, ლურჯ სუფრას გაიშლიანო,
სავსე ტიკები იცლება, ზოგნი სამწვადეს სთლიანო,
მამაკაცები დამთვრალან, მრავალუს დასძახიანო.
გადი-გამოდის ყანწები, ძველსა მკვდრებს იხსენიანო,
ქალნი დაირას უკრავენ და თანაც გაუსვიანო,
იქ დასანიშნი ბიჭები სატრფოსა ინატვრიანო,
მეზურნეც უკრავს გმირულსა, ჭიდილსაც ემზადიანო,
ჩოხა ჩაცმულსა ბიჭებსა სარტყელი დამშვენიანო,
ყველა სოფელი იქ არის: „ჩვენ ვერვინ გავვლახვიანო“,
ზოგნი სულ ახლად მოდიან, ცხენებით მოჰქროლიანო.
ჰა, კიდევ დაჰკრეს გმირული, ბიჭები სწორდებიანო.
სხვა და სხვა სოფლის გმირები მეიდანს გამოდიანო,
ზოგი გმირულად უხვდება, ზოგნი ძირს ეცემიანო.
„ჩვენმა აჯობა თქვენსასა“, ერთმანეთს უყვირიანო.
ახალი მოჭიდავენი მზად დგანან, ელოდიანო.
„ახალი ვინ ხართ, გამმოდით“ შუადან იძახიანო,
ანაბაჯია ქმარ-შვილით, ისინიც იქ არიანო;
თავის ძვირფასი სტუმრებით ილხენენ-იმღერიანო,
ანა დამღეროს ტკბილადა, იმის ხმას შენატრიანო,
ჭიდაობიდან ხმა ესმათ: „მუხათო ხო გრცხვენიანო“,
თქვენი ნაქები სიმონი გავლახეთ მუხათლიანო;
ანა ეხვეწა მამათილს: „მამავ, გენაცვა, ხნიანო,
ნება მომეცი გადავხტე, ვნახო თუ ვინ არიანო!
სოფელი სოფელს უძახის და ძლიერ იკვებიანო,
ჩვენი სოფელი სიმონი დასცეს და დაგვცინიანო,
წავლენ და დაიკვებიბენ მუხათს რა შეუძლიანო!
უნდა უჩვენო დაქადნა, თუ რომ მე ანა მქვიანო.
ჩვენი სოფელი მუხათის სახელი გავახშიანო,
ან მეც გამლახონ ბარემდა, ან ყველა გავამტერიანო,
რას ამბობ შვილო, გენაცვა, აბა რა შეგიძლიანო!

165

ძანდ ბიჭებია ასეთი ლომნიც კი გაუბრბიანო“.

„აბა თუ ლომნი ყოფილან მეც ანას მეძახიანო, დედა წამიწყდეს ძვირფასი თუ გასვლა დავაგვიანო“ წელთ შემოირტყა სარტყელი, ხალხი სულ გაჰკვირდიანო, გადახტა მოედანზედა, ყველა მას შესცქერიანო, ვისია რძალი, ლამაზი, ნეტავი რა სწადიანო:

აღბად კოცნისთვის მოსულა, თორემ რა შეუძლიანო?

„არა მე გავალ!“ „არა მე“, ერთმანეთს ეცილიანო.

— „რას შემომცქერით ბიჭებო, ეს საჭიდაო ველია. მე თბილისელი ქალი ვარ და რძალი მუხათელია.

რო გამილახეთ სიმონი, ის ჩემი მეზობელია,

მუხათის რძალსაც დაუხვდით, ვისაც გული გაქვთ მთელია;

აქედან ფეხს არ მოვიცილი: რახან რო გამოველია;

სანამ არ დამცემთ მიწაზედ, ზურგს არ ამაკრათ მტვერია;

ვისაც გნებავდეთ გამოდით, ეხლა ჭიდილის ჯერია“.

ერთმა სთქვა: მაგის მოხვევა ჯანისთვის მარგებელია,

თანაც ხო ერთსაც ვაკოცებ, ისიც ზედ სარგებელია.

გაღუთამაშა გიორგიმ, ნაქები თელეთელია;



ანამ დასტაცა, ძირს დასცა, ტანი არ აჰყვა მთელია.

მეორემ ჩამოუარა, სოსია ბარბალებელია,


მაგრამ ძირს ისე დაეცა ვერც კი მოჰკიდა ხელია;

გადმოხტა ბიჭი მესამე, ივანე ვაშლოვნელია,



ისე ჩაემტვრა გვერდები—ექიმის მაშოვნელია.
გამოდის ბიჭი ნაქები პოლოსა ღურნუკელია.
ისიც ასეთი დაუშვა, თვალები დარჩა ბნელია.
ცალთვალა ბიჭი თამაშობს სახელად: გმირი ელია,
მასაც ცხვირიდან აღინა, რაც ესვა, რაც დაელია.
ვართანა მაგრა დახვდება, ის ბიჭი ყაზახელია,
მაგრამ ასეთი დაემხო, დასწყვიტა შინა წელია!
შაქრუა ბიჭი მოუხტა, მარდია ქიზიყელია,
ისიც ასეთი გაშალა, როგორც ნაბდისა ძველია,
ორიც ზედაზედ აგორა, ხეჩო და არაქელია.
კუმელ თედოც მიუმატა,—ყისაბი ქალაქელია.
სომეხ დაღეთელ ბიჭებსა აღარ უვარგოდათ ტანი,
ოთხივე ისე აგორა, როგორც რომ ვირის კურტანი.
მაჰმადამ ალი ახსენა, მოედანზედ ტრიალებდა,
ანამ ასე დაამტვრია, „აღლ-ვალლას“ ღრიალებდა.
აი, ბერძენიც გამოდის, შეხედულობით დევია,
მაგრამ ბედი დაიწყევლა, რისთვის დავიბადევია.
კოდელ სიძეს არ უშვებენ, გამიშვითო მოსდის ბნედა;
თავდაყირა რო დაეშვა, დაიძახა: „ვაი დედა“!
„თოღექ, თოღექ“, გამოვარდა ვართანას ძმა, ხაჩატურა,
რომ დაეცა სისხლი წასკდა, დაიძახა „ტერტერ, ურა“?
სოფრომუკა გამოვარდა: „ქვე გამიშვით, გავალ აპა“,
ანამ ერთი გამოკვრითა, ზედ მიწაზედ დაატყაპა.
ანას გინებით მიუხტა, მუშტის ქნევით სირაჯ გოლა,
ანა-ბაჯიმ ყარფუზივით შიგ ხალხისკენ გადისროლა.
გოლასთვის გულის დამწველი ძლივს წამოდგა ბოგველია:
„ხალხნო რატომ არ ეხსნებით, ხედავთ ყველას მოგვერია“!
დაიშალა ჭიდაობა, ჰკვირობს ხალხი ყოველია.
იმ დღეს ოცდა ორი დასცა, არვის არ ჰქონდა ფერია.
იმნაირად არვინ ადგა,—რამე ჰქონოდა მთელია.
მთელი ხალხი დაეხვია: კარგათ ვნახოთ რომელია,
ვენაცვალეთ შენს ქალობას, გაგინათლდეს მშობელია,
სიხარულით შინ დაბრუნდა მთელი მუხათ სოფელია.
ერთხელ ანა ქალაქს იყო იქ სიონის უბანშია,
ყველიერში მოსულიყო თავის დედ-მამის სახლშია.
კარში რალაც ხმაურობა მოხდა შუაბაზარშია,
თურმე ყვინობა იყო, წესი ჰქონდათ ქალაქშია.
ოსმალურათ მორთულიყვნენ, როგორც ჯარი სტამბოლშია,
ირაკლის ომს იგონებდნენ გამარჯვებას აწყურშია.
სოლალაანთ კამეჩები დახე თუ რა ყოფაშია?

ორივე გადარეულა ამ დიდ ყეინობაშია,
როგორც ნაქები ბიქები არეული გარტყმაშია,
ანუ ყარამან-ყათილი, ვითარც დევთა ბრძოლაშია,
ისე ეს ორი კამეჩი, დარეულა ამ ხალხშია,
ნახევარი გაუთელავთ, თითქმის ათასი კაცია,
ხალხი ერთმანეთზე გორავს, ყველა გაქცევის ცდაშია.
ვინ წინა და ვინ უკანა, სულ გარბიან სახლებშია.
ანამ ეს რომ გაიგონა, გადიხედა სარკმელშია.
„რა ყოფა აქეთ, რა ამბავი, ნეტავი საქმე რაშია“?
დაინახა კამეჩები, როგორ ხალხის მტვრევაშია:
გულმან ველარ მოუთმინა, სისხლი ავარდა თავშია,
უეცრად ტყვიასაფითა იგი გავარდა კარშია,
დაიძახა: „რას გარბიხართ, მაშ რათა გაქეთ უღვაშია,
გარე მტერმა რო გაგიგოთ, ჩავარდებით სირცხვილშია,
ლომიც იყოს წინ დაუხვდით, როგორც წესი ქართველშია,
მხდალი, ლაჩარი, მშიშარა არ იყოს ქართველ ერშია“
რა გადახტა კამეჩებმაც მიიტანეს ერიშია,



ერთს სწვდა ფეხში წააქცია, მეორეს სტაცა რქაშია,
გადასწია ისიც დასცა, სუყველამ დაჰკრეს ტაშია;
„შენ ქალოზას ვენაცვალეთ, დევიც ყოფილხარ მკლავშია“,
მისცივდნენ და ორივე შეკრეს, ქება ისმოდა ხალხშია.



აქაც სახელი დასტოვა ანამ თბილის ქალაქშია.
მის ამბავი დღესაც ახსოვთ ნაამბობი ძველ ხალხშია.

ემშაკ კარაპეტა იყო ავღაბრელი ნაქებია,
მუშტი კრივის მეთაური ის კაცია საქებია,
ბევრი კაი ვაჟკაცები მუშტით დაუბახებია,
მის ერთ მუშტს ვერ გაუძლებდა კაცი რკინის ნაგებია,
თუ რომ ჩხუბში მისულიყო ასამდინ კაცს გააქცევდა,
ვისთვისაც რომ შემოეკრა, გულმუცელსაც შეუქცევდა,
თუ გინდ სპილოსთვის გაერთყა, უეჭველად წააქცევდა.
მთვრალ დროს ბრაზზე მოსულიყო, მუშტით კედელს დააქცევდა.
სოფელ თელეთს, ამადლებას ბევრი ილხინა ძალზედა,
ბოლო დროს ჩხუბი ატეხა, მან თავი დადო შარზედა,
ბევრი ხალხი აგორავა, იყურებოდა კლავზედა.
სასამხთო ცხვრები წაართო, და ისროდა ბანებზედა,
სუყველაზე მიიწევდა ხან კაცზედა, ხან ქალზედა,
მობუცს ქალს კოკა წაართვა წყლითსამსე იყო ძალზედა,
ასწია შემოუქნია სულ დაამტვრია თავზედა.
ოცდა ათსა კაცსა სცემა მოქეიფებს დუქანზედა,
ბოლოს დადგა აეყუდა ეკლესიის კარებზედა,
კუდსა სიტყვებსა ხარჯავდა, სისხლი მოსვლიყო თვალზედა,
აღარავის არ უშვებდა ის ხალხსა სალოცავზედა.
სუყველანი გამორეკა, მღვდელნიც მიაყოლა ზედა,
„რას ლოცულობთ, ღვინო სვითო“, — ყველას შეუკურთხა დედა, —
საყდარს ჯვარი მრუდე აქვსო, რატომ არ არის პლანზედა!
ეს ხატი ვის, დაუხატავს, რისთვის მიყურებს განზედა“...
თავისთავად ბუტბუტებდა, თანაც კოცნიდა ქვაზედა,
და ბოლოს ჯვარი იყარა თავის ჩიბუხის ტარზედა.
ქუდიც მაგრა დაახეთქა, თანაც წიხლი სცხო ძალზედა:
„ვინაც საყდარში შემოვა ვისვრი ყირა ყარაზედა“...
სამი მლოცავი გამოჩნდა მუხათიდგან მომავალი,
სამივე ქალები იყვნენ, ცხენებს ასდიოდათ ალი.
პირველათ ყველა იცნობდა, იყო მუხათელი რძალი.
შავი ცხენით მოფრინავდა გვერდზედ ეკიდა ხანჯალი,
ნიკაზზედ ხალი შვენოდა, იგი გახლდათ ანა-ქალი;
ახლა კი ჩვენ კარაპეტას გაუწყრება ხატის ძალი!
ცხენი სხვასა ჩააბარეს და მივიდნენ სალოცავში.
დახე ემაგ კარაპეტას წინ გადუდგა შესავალში.
ანამ უთხრა. „იქით ძმაო, აქ რას გადაგვიდექ გზაში“?
კარეპატამ გაუცინა, ანა მოეწონა თვალში:
„გენაცვალე, თუ გზა გინდა, ერთი მაკოცნინე ხალში!“



ანამ ბევრი არ აცალა, კარაპეტას გაჰკრა ყბაში,
 სამ საუენზე გადაავდო, როგორც სამი წლისა ბავშვი.
 უკან არცკი მოიხედა, ისე შევიდა საყდარში.
 კარაპეტა თავდაყირა მაგრა დაერქო მიწაში,
 ხალხმა „ურა“ დაიძახა და დაარტყეს დიდი ტაში,
 „ხო მიირთვი, კარაპეტავ, როგორა გაქეს ტვინი თავში?
 მაგის მეტი რას გამორჩი, შე ოხერო, ავობაში;
 რა გეგონა შენი თავი, რო ხარ ჩხუბის უსტაბაში?“
 მთელი ხალხი დაეხვია რო გავიდა ანა კარში.



სუყველანი ქუდს უხდიდნენ ქალი, კაცი, ბერი, ბავშვი,
 მღვდელმა უფალს შეავედრა ანას გმირობა ლოცვაში.
 ერთი საათის შემდეგ ძლივს წამოდგა ჩვენი ეში,
 ყბები გვერდზე მოქცევიყო, — ისე დარჩა სიცოცხლეში,
 კარაპეტას მეგობარი ამ ამბავმა დაალონა,
 ბევრი ცუდი, ავი, სიტყვა ანას ყურში გაავონა.
 მკვდარი ქმარიც მოიხსენა და გინებით მოიგონა, —
 მიიწევდა ანასაკენ კუკიელი იაგორა,
 ანამ ერთი მასაც გაჰკრა და ბურთივით მიაგორა.
 მუშტით კიდევ მოკვდებოდა, სული-გული შეულონა.
 კარაპეტას დასცინოდნენ, ქალაქს ვისაც გაეგონა:
 — შენც გაყლაპა ანა-ბაჯიმ, შენი ჭკვის ხო არ გეგონა?
 „ვერ ვიცანო, არ მახსოვსო“ და სიმთვრალე მოიგონა.



ტერტერაშვილსა გეოსა კაცი ვინ დაუდგებოდა,
ვისაც მიწაზედ დასცემდა სულ ველარ წამოდგებოდა,
პირში რომ თოფი ეხალათ, უკან არ გაუდგებოდა;
ლომი, ვეფხვი რომ შებმოდა, იმათაც ეტაკებოდა.

იძახდა: „გავალ ყველასთან, ცის ქვეშ ვინც იარებოდა!“
მართალიც იყო შეეძლო და კიდევ ეკვებებოდა.

გაიგო ანას ამბავი, მას გული უღონდებოდა,
ქალი და ასე სახელი, იგი ჯავრისგან კვდებოდა.
მასთან შებმასა და ცდასა დღე დღეზე ელოდებოდა.

ადგა და ბოლოს გეუამ კაცი უგზავნა ანასა:
„ვინა ხარ, ქალო დიაცო, რაებს ჩადიხარ მაგასა,
შენი ჭკვის ბაღლებს რო ლახავ, არ შეხვედროხარ მაგარსა,
ნუ თუ გეუას არ იცნობ, ნაქები მთელ ქვეყანასა?!“

ვეფხვი რომ კატათ მიცვნია, ლომს რომ უგლეჯამ ჩანასა,
მაშინ იკვებე გმირობა თუ დასძლევე ჩემისთანასა,
უნდა ერთმანეთს დაუხვდეთ—თქმა აღარ უნდა ამასა,
აბა თუ რა შეგიძლიან რო შვრები მაგისთანასა.

დაგაწყევლინებ გაჩენას და შენი დედის ნანასა.
მალე მაცნობე ამბავი, თორემ მოვიხმარ ძალასა,
მანდ მოგიხტები მუხათში, ვფიცავ ტერტერა მამასა“.

ანამ პასუხი გაგზავნა როგორც მოკითხვა ძმაზედა,
„რა დაგიშავე, ძმობილო, ან რად მოსულხარ ჯავრზედა,
ნუ თუ ვაშკაცის წესია, მაგრე გაჯავრდეს ქალზედა,
მჯობს მჯობი არ დაელევა ამ დიდსა ქვეყანაზედა.

გაცნობა ახლოთი უნდა, არა მუქარა განზედა,
მაშინ გამოჩნდეს, ვაშკაცი რო გავალთ მოედანზედა;
ტერტერა მამა დაგიხსნის, ილოცე იმის წვერზედა,
რო მეტი ძალა შეგმატოს, მალმალ ემთხვიე ხელზედა;
თუ რომ მუქარას არ იშლი დავდგეთ ამ აღთქმასა ზედა,
ვინც გაიმარჯვოს, დე იყოს—ნიძლევი სამას ცხვარზედა,
და თოფი ხმალი, ხანჯალი შვიდი უღელა ხარზედა.

თუ გინდა დავსხდეთ ვილხინოთ, გავეჯბრდეთ ღვინის სმაზედა,
გინდა სიმღერა დავძახოთ ვინ იტყვის ტკბილსა ხმაზედა,
გინდა ცხენდაცხენ ვიფრინოთ, ვინ წავა შორსა გზაზედა
გინდ იარაღი ვიხმაროთ, საქმეც მივიდეს ხმალზედა,
გინდა ხელ და ხელ ჩავჭიდოთ, გინდა გამიდექ განზედა;
კაცი ხარ, არ ვადადგები, მტკიცედ იქნები თქმაზედა,
და თუ შეშინდე მკვებარავ, ქული შეგიროცხვეს თავზედა.
და თუ არა გსურს,—ხმა წყვიტე. ნულარ იყეფებ სხვაზედა.
თუ შავიშინდეს ანაი—ვირი მომაბი თავზედა“.



ეს რომ გეოამ გაიგო თავი ახალა ქვაზედა,
„კაცი ვარ ქალს შაუშინდე, რათ დავალ ქვეყანაზედა!“
კაცი გაგზავნა, დასთანხმდა იმავე პირობაზედა,
უნდა ექიდნათ დღეობას, ბოლნისის ხატის კარზედა,
ბოლნისის ხატი ვინ იცით, წმინდა გიორგი ჰქვიანო:
თათრებსაცა სწამთ, შიშობენ დალი-ხაჩმ ეძახიანო.
ბევრნი ყურბანსაც უკლავენ, ძღვევამოსილათ სთვლიანო,
მაჰმადის რჯულის წესითა გულწმინდათ ილოცვიანო.
იქ არის მისი დღეობა გიორგობის-თვის ათშია,
უთვალავ მლოცავი მიდის იქ იმის დღეობაშია.
ცხენებით, ურმით, ფურგუნით არეულობა გზაშია,
ბაირამ, თავის რვა კაცით, ნაქები ბორჩალოშია,
სახელ განთქმული ყაჩალი, გაგონილია ჩვენშია,
მას ცხენი ჰყავდა ნაქები ნაყიდი არაბსტანშია,
განჯა, ყარსი, ერევანი, სულ გაეთელა ფეხშია.
ყაჩალი იყო სისხლ-მსმელი, შობილი ჯოჯოხეთშია.
ჩასაფრებია მგზავრებსა იმ ხრამის მისავალშია.
ბოლნისში მიმავალ-მლოცავს, ის იქ უხედება გზებშია,
ხოცამს და სცარცვამს უღმერთოდ, სუყველას გაყვლეთაშია.
აღლაპიცი დავიწყებია არ იყურება ცაშია,
ანაც იქ მიდის, ბოლნისში ცხენი ჰყავს როგორც რაშია,
ანას მაზლიც ხომ თან ახლავს, მამამთილ მოხუც ხანშია.
ტერტერას შვილთან მიჰქროლამს, დაჰხედება სალოცავშია
თან ფიქრობს: „ვიცი გავლახამ, ხარ-ცხვარს მოგრეკამ სახლშია,
ჩამოვიკიდებ ხმალ-ხანჯალს, თოფსაც გავიდებ მხარშია.
თანაც კი ფიქრი გადაჰკრავს, გაურბენს უცებ თვალშია,
ვაი თუ გეომ გამლახოს და შემარცხვინოს ხალხშია,
სირცხვილით თავსაც მოვიკლავ, ან ჩავარდები წყალშია“.
ამ ფიქრში იყო გართული. რომ მიატანეს ხრამშია,
საცა ყაჩალი თათრები იქ იყვნენ მისავალშია.
თოფებმაც დაიგრიალეს, მამამთილს მოხვდა თავშია,
და მაზლიც ძირს ჩამოაგდეს მასაც მოარტყეს კვლავშია
მერე მისცვიდნენ ანასა და მოეწონათ თვალშია.
ბაირამ ხელი მოხვია—ცეცხლი მოედო ტანშია,
აქ ანამ უცებ, ვით ელვა, ხელად აიძრო ხმალია,
ბაირამას და ოთხ ყაჩალს სწრაფლ მოაცალა თავია,
სამიც ცხენიდან ძირს დასცა ისინიც ცოცხალ-მკვდარია,
ერთმა გაუსწრო გაიქცა, როგორც წყეული ალიო.
მერე დაჭრილებს მიაღვა „კიდევ ცოცხლები არიო“?
„აი ბაჯი ბზა ოლდურმა, სევარსან ხაჩი დალიო“!

ეხვეწებოდნენ; „დაოჯან, გვაკმარე ნუ მოგვკალიო.
შენ ალახს აპატიევი, თუ რომ გწამს შენი ჯვარიო,
რაც რომ გიღირდა მოხუცი, რახან რომ მოგიკალიო —
მის წონა ოქრო მოგართვათ, ნაღდი ფული და ლალიო“.
„მამამთილს ფულად არ ვყიდი, მის სისხლში გადევთ ვალიო“,
ჯერ დაუშინა მათრახი, აძახა ვაი ალიო,
გულმან რომ ველარ გაუძლო, გაჰკრა, გაუსო ხმალიო.
რვანივე ისე დაჩეხა, როგორც ყასაბმა ხარიო.



მერე მამამთილს მიხედა, ნახა საბრალო მკვდარიო,
გულ-აღმა ეგდო მიწაზედ სისხლში მოსვროდა თავიო,
ასწია, გულზე მიიკრა და დაუკოცნა თვალიო,
ვაი რა დღეში ვიხილე, სიცოცხლე მე გამქრალიო,
ღვინით მობანა თავპირი: ვაჰ მამავ, შენი ბრალიო.
მკვდარსა ჩასძახა ყურშია: შენ გენაცვალოს რძალიო,
მე შენი სისხლი ავიღე, მეც მოგიკალი რვანიო,
ველარც მაჰმადი უშველის ველარც თავიანთ ალიო.
და მაზლიც მამას ტიროდა, ცრემლებსა ჰყრიდა მწარიო,
რას სტირი—უთხრა; ანამა - ცრემლით რას მოეხმარიო.
ტირილი ბაღლის საქმეა, სისხლის ღვრა წესი არიო.
მოხუცი ცხენზე დააკრა, მაზლს შეუხვია მკლავიო:
უთხრა: შენ გასწი წაიღე, მე ხატს ვარ წასავალიო,



ტერტერაშვილი იქ მიცდის, მის თვალიც ჩემკენ არიო, თუ არ წავედი, დამცინებს: შეშინდა ანა ქალიო, ის ხომ იმას არ იფიქრებს, რა მოხდა მოსავალიო, მივალ და დღეს გაუმწარებ, გადაუხადო ვალიო. მამამთილი რომ მომიკლეს, სულ არი მისი ბრალიო.

აისხა ხმალი, ხანჯალი, თოფიც ხომ მხარზედ არიო. ყაჩაღის ცხენიც მას დარჩა—ის ტყვიასავით მალიო, მუხათის წმინდა გიორგი, შენ მომიმატე ძალიო. ზედ წამოახტა არაბულს, მათრახი დასცხო მწარიო, ბოლნისისაკენ გაფრინდა როგორც რომ ნიავექარიო.

ცივი დღე იყო ხატობას, თანაც მზე ამოსულიყო, იქ შორიახლო მთებზედა თოვლები ჩამოსულიყო. ნიავეს მიჰქონდა ზურნის ხმა, ოთხკუთხივ მოფენილიყო, ანა და გეოს თამაშათ ქვეყანა იქ მოსულიყო; ანა-ბაჯიას ელოდნენ, ჯერ კიდევ არ მოსულიყო.

ტერტერაშვილი ჯავრობდა, ლურჯათი გამოსულიყო. რათ მომატყუა დიაცმან, კიდევაც გულ-მოსულიყო. ხალხმა ძახილი დაიწყო: ე, ანა-ბაჯი მოდისო, არაბულ ცხენით მოფრინავს, სუყველას წინ წამოდისო. შევიდა ხალხში, გაჩერდა, ცხენიდან ძირს ჩამოდისო. სუყველას სალამი მისცა თანაც ბრაზები მოსდისო.

ზოგი ამბობდა: იქნება ჰყვარობსო ბაირამასა, ზოგმა სთქვა: იქნებ წაართვა, ნუ გაიკვირებთ მაგასა. ერთი ბეგის შვილი იყო: იმას ერქვა ალავერდი, მივიდა და ანას უთხრა: გამარჯობა, ხოშ გიელდი!

ბუ ბაირამნ ათიდრ ბაჯი, სანა ბუ ქიმ ვერდი? ანამ ერთი ყბაში გაჰკრა, გააცალა ცალი გვერდი, თანაც ასე მიაძახა: მაგრე ტკბილად დამიბერდი. შენ ვინ გკითხამს ცხენის ამბავს რა ეშმაკად ამიხირდი? მერე ხალხსა გადახედა სისხლითაც აღელვებული, ჰკითხა: გეუა სადა გყავთ, ტერტერაშვილი ქებული, უთხარით თუ რას აპირობს, აქ მისთვისა ვარ ხლებული, ვნახო თუ რა შეუძლიან, რო არის დაკვეხებული? ეს რა გეუამ გაიგო, შეიქმნა გაცოფებული.

პირიდან ჰყარა ცეცხლები, ვით დევი გაგიჟებული. მოედანზედა გადახტა, ხმალივით ამოღებული: თვალეზში სისხლი მოაწვა, და აუტოკდა მას გული: ჩემზედაც მუქარით მოდის, ბალღებზედ წაქეზებული, ეხლა კი აქ გამომგვარეთ შავდღეზე დაბადებული,



ხარი, ცხვარი, დამიმზადოს, რაც არის შეპირებული,
თოფ-ხანჯალიც კარგი იყოს ხმალიც გაპრიალებული

ქართული ენის ლექსები

შეიძრა ხალხი სუყველა, დიდი ამბავი ხდებოა,
 ხალხი გარშემო დამდგარა, შუა ადგილი რჩებოა.
 მეზურნემ დაჰკრა გმირული, ეხლა კი იმართებოა,
 ხალხი აწყდება ერთმანეთს, ვნახოთ თუ რა მოხდებაო!
 განზედ გაიწით! წრე დიდი! შუადან იძახებოა.
 სად არი ანა ბაჯია, რატო არ გამოჩნდებაო,
 რომლისა დედა იცინებს, რომლისა ატირდებაო!
 ვინ დაეცემა მიწაზედ. სახელი ვის დარჩებოა?
 ტერტერაშვილი ტრიალებს, ლომივით იბღვირებოა,
 გადი-გამოდის მეიდანად, ანა ბაჯს ელოდებაო.
 ივანე ბაქრაძის შვილი ანას ნათლიად ხვდებაო,
 ანა მას ცხენსა აბარებს, აბჯარიც მასთან რჩებოა.
 ახსენა წმინდა გიორგი, შიგ მეიდანში ხტებოა.
 მოვიდა ანა-ბაჯია, სულ ხმაურობა ხდებოა,
 სალამი მისცა გეუას, როგორც ძმას მოუხდებაო.
 გეუამ პირი არიდა და უკან იხედებოა,
 „დიაც რო სალამი მივცე, მე რაში მომიხდებაო“,
 ანას გულს დასწყდა ძალიან, თვალს სისხლი მოაწვებოა,
 გაუსვა და ითამაშა, მშვენივრად ტრიალებდაო;
 მერე ახსენა გამჩენი, გეუას მიუხტებოა:
 „შენ თუ კაცი ხარ, მე ქალი, ახლა აქ გამოჩნდებაო.
 გაუთამაშეს ერთმანეთს, ხალხი სულ გაკვირდებაო,
 დასტაცეს ხელი ერთმანეთს, გეოს სარტყელი სწყდებაო.
 სწრაფად გაუშვა ანამა და განზე გაუხტებოა,
 და თანაც გულში იფიქრა: დახე რა მაგრად მხვდებაო.
 თურმე მართალი ყოფილა, მიტომაც იბერებოა;
 იქნებ კიდევ წამაქციოს, მიწაც კი გამისკდებაო,
 მერე რათ მინდა სიცოცხლე—სახელი გამიტყდებაო.
 სხვა სარტყელი შემოარტყეს, გეუას მოუხდებაო:
 ხელმეორედ დაეტაკნენ, ლომს—ლომი დაუხვდებაო.
 ასწი-დასწიეს ერთმანეთს ორივე გამავრდებაო.
 „ეს ოვა ელე გომეშე“,—გეუას ეფიქრებოა;
 ეს რა კემეჩი ყოფილა მას უნდა მორიდებაო,
 ოხ, სურფ კარაპეტ, სურფ სარქის, გეუა იძახებოა;
 ანასა მეტი სიბრაზით თვალები უბნელდებაო;
 ანას გაშლილი თითები, გეოას ძვლებში ჯდებაო.
 აწ რიგი ერგო ანასა, დახე თუ რასა შვრებოა:

181.181

საქართველოს
ეროვნული
ბიბლიოთეკა



წამოიკიდა გეუა, ხალხი სულ გაჰკვირდებო:
 ტერტერაშვილის ფეხები მაღლა ჰაერში ჩნდებო,
 ისეთი დასცა, დაუშვა, გეოს წელები სწყდებო.
 ისევე დარჩა ქვასავით, მიწიდან ველარ დგებო.
 ხალხიდან „ურა“ დასძახეს, დიდი ხმა გამოხდებო.
 შეგარგოს ძუძუ დედისა, და მამაც გიცხოდებო,
 ვაშა შენსა ქალობასა, სახელი შენა გრჩებო,
 ხარი, ცხვარი და სუყველა ხვალევე ჩაგბარდებო.
 დასწვდა და თითონ აყენებს, თანაც მას ეუბნებო:
 არ დამემდურო ძმობილო, ეს ყველა შენგან ხდებო,
 აისხა ხანჯალ-თოფ-ხმალი და ხალხსა ემშვიდებო...
 გზა დაულოცეს სუყველამ: მშვიდობით წაგესვლებო!
 ანა არაბულს მოახტა, ჰკრა ქუსლი გაფრინდებო.
 ტერტერაშვილსა გეოას პირს-სისხლი წამოსქდებო,
 ორი დღე ბედს იწყევლიდა, მესამე დღესა კვდებო.

მუხათში ქორწილი იყო, ზურნა იკვროდა ხმიანი,
 ლხინი იყო და თამაში და ღამე ვარსკვლავიანი,
 უცებ ვაშლოვნის მხრიდანა თოფებმა იწყეს გრიალი,
 თანაც ხალხი გამორბოდა, ისმოდა რაღაც ღრიალი.
 არიქათ, მუხათელებო, სადა გყავთ ანა ღვთიანი:
 თათრებმა ქალი მოგვტაცეს თამრო ღამაში თმიანი,
 ესე რომ ანამ გაიგო, სისხლმა დაუწყო ტრიალი,
 დედას გიტირებთ თათრებო, თუ არ დაგმართედ ზიანი!
 თუ თქვენ ქალი გაგატანოთ, დღე არა ვნახო მზიანი,
 ხუდავერდიანთ ცხენები სწრაფ იყო ვითა ფრთიანი,
 გზას გაივლიდა სამ დღესა, თუნდ ყოფილიყო თვიანი.
 ტიტველა ცხენს წამოახტა, მათრახი დასცხო მწვიანი,
 თან მარტო ხმალი წაიღო, ცხენმაც დაიწყო ბზრიალი,
 მარბადის ბოლოს თათრებსა წინ გადაუდგა ხმლიანი.
 სად მიგყავთ ქალი თათრებო, იქნებ გგონიათ ტიალი?
 აბა ახლა წაიყვანეთ, თუ ბიჭები ხართ ფხიანი!
 დასწყვივლა ზარის ხმაზედა, ხმალმაც დაიწყო პრიალი,
 თეზნ, ყაჩაღ ანა ყზიდრ, იქნებ გადავრჩეთ მთლიანი.
 ქალი უშვეს და გაიქცნენ, ორი დარჩათ სისხლიანი,
 ანამ მაჰმადთან გაგზავნა ერთი უბედურ დღიანი,
 მეორეც თან მიჰყვებოდა, აღარც დრო ჰქონდა გვიანი.
 ანამ ცხენზე შემოისო თამრო თექვსმეტი წლიანი,
 ცხენით ვაშლოვანს მიჰფრინდა, პატრონს მოჰგვარა მთლიანი,
 სუყველა ანას ლოცავდა ქალი, კაცი და ხნიანი,
 უფალო დიდხანს გვიცოცხლე ანა სწორ-სამართლიანი,

სიმართლისთვის დარი იყო, ბოროტისთვის ავდრიანი.
ვით დედა ყველას უყვარდა ანა კეთილი ზნიანი.



ანას ამბავი ბევრია, სულ აღარ მაგონდებაო.
მოხუცმა ქალმა მიაშობო, რიფსიმე ეწოდებაო.
ის ბაჯიანთ ქალი იყო, ეხლა მიწაში წვებაო,
მაშინ ყმაწვილი ვიყავი და მიტომ მაგიწყდებაო.
გთხოვთ არავინ დამემღუროთ, რადგან ნაკლულად მრჩებაო.

ანასთანა გმირი ქალი აღარ დაიბადებაო,
თათრები „ბაჯის“ უძახდნენ, შვილებს გვართ უხდებაო;
მუნათსა და კოდას შუა ავ კაცს არ გაველებაო:
ანა ბაჯია გაიგებს და წინ გადაგვიდგებაო,
ორმოცდა ორი წლისასა სიცოცხლე უმწარდებაო,
აღღგომა-ღღე უბედურათ ანასათვის გათენდებაო,
სტუმრები ჰყავს დიდი ძალი, ყველას თავზედ ევლებაო,
ქართველ, სომეხ და თათარი, ანას სუფრას უხდებაო,
ილხენიან, იმღერიან, ზოგიც კარგა ითვრებაო.
გველი კაცი და იუდა არსად არ დაკლდებაო.

ვილაც ღვთისგან წყეული, დახე თუ რასა შვრებაო:
 საწამლაგი შეაპარა, ანას გულშია ხვდებაო;
 გულმუცელმან გლეჯა უწყო, ფეხზედ ველარა დგებაო.
 სტუმრებს გამოემშვიდობა: ჩემ თავს რალაცა ხდებაო.
 „ნუ მოიწყენთ, მოილხინეთ“ თვითონ კი მიდის წვებაო,
 სუყველა მას დაესია, ყველა თავზედ აწყდებაო.
 ვერცა წამლებით უშველეს, ვერაფერი უხდებაო;
 ხუთშაბათამდინ იცოცხლა პარასკევს დილით კვდებაო.
 ვინც-კი გაიგო სიკვდილი სუყველა დალონდებაო:
 ახლა ვილა გვიპატრონებს, მტრებს ხომ გაუხარდებაო.
 კვირაცხოვლობა დღე იყო, კვირა რო გათენდებაო,
 ამ დღეს ანასა მარხავდნენ, მიწისა ტყვეთა ხდებაო,
 მუხათი ხალხით საესეა, სუყველა ატირდებაო,
 ქალაქიდან და სხვა მხრიდან ცხენებით ხალხი ჩნდებაო.
 იქ გარეშემო სოფლებში ზარები ირეკებაო,
 ანა საფლავში ჩაუშვეს, დიდი ცრემლი იღვრებაო:
 ვინც მოგისპო სივოცხლე გვარი ამოუწყდებაო.
 დაენგრეს ოჯახ სახლ-კარი და ნურსად გამოჩნდებაო,
 კვირაცხოვლობა დღე არი, რა ნიშანი უჩდებაო
 რამდენიმე კაცი გარბის, სადლაც მიეშურებაო.
 კვირაცხოვლის ნანგრევიდან სამი ქვას ეზიდებაო.
 ზედ ქვისა ძეგლი დაადგეს ანას სახელს უხდებაო,
 მის სახელს არ დავიფიწყებთ მუდამ ჟამს გვიხსომებაო.
 გიორგობის ათში მიდის მუხათს ხალხი ყოველია,
 უცხო თემი თავსა იყრის, ვის გაარჩევ რომელია!
 იქ ანა-ბაჯის საფლავზედ ეხლა კვირ ცხოველია,
 ჩემს მაგალითს მიბაძეთო, ის ამისი მთხოველია.

იეთიმ დაბლიშვილი.

1895 წ.

ს. მ. უ. ს. პოლიგრაფიულ ტრესტის მე-3 სტამბა.

შეკვ. 1028.

მთავ. № 227.

ტირაჟი—5000.